



«Mottakernavn»

«Adresse»

«Postnr» «Poststed»

«Kontakt»

Saksbehandlar, innvalstelefon

Maria Knagenhjelm, 5764 3137

Referat frå temamøte om fiskeri - marint vern Sognefjorden - 14.10.2025

Dato: 14. oktober 2025, kl. 10.30 – 11.50

Deltakarar: Runa Gudmundsdottir Jonassen (Fiskeridirektoratet), Ola Midttun (Fiskeridirektoratet), Håkon Celius (Fiskeridirektoratet, kartseksjonen), Eirin Kongestøl Espeland (Sør-Norges Fiskarlag), Andreas Færøy Gåsvær (fiskar) og Eyvind Olav Larsen (fiskar). Frå Statsforvaltaren møtte Eline Orheim (seksjonsleiar for naturmangfald) Julie M. Andersen (marinbiolog), Anne-Marie Colban (jurist) og Maria Knagenhjelm (sakshandsamar marint vern og referent).

Målet med møtet: Temamøte om fiskeri for å hente inn og utveksle innspel, kunnskap og erfaringar mellom næringsaktørar og myndigheiter. Vurdere fiskeritemaet og faktagrunnlaget i konsekvensutgreiinga (KU). Statsforvaltaren understreka målet om å jobbe så transparent som mogleg, slik at alle aktørar skal ha god innsikt i prosessen.

Bakgrunn: Globalt press på naturmangfaldet krev meir vern. Norge har forplikta seg internasjonalt gjennom Montreal-avtalen, og Stortinget har vedteke rammer for marint vern gjennom fleire stortingsmeldingar. Sognefjorden er utvald som kandidat område. Fjorden er unik (verdas djupaste, Norges lengste), men er under press frå forureining (nitrogen, fosfor), oksygenmangel og klimaendringar. Verneprosessen legg vekt på dialog, medverknad og kunnskapsinnhenting. Det har vore fleire kartleggingar av naturmangfald i prosessen. Ei omfattande konsekvensutgreiing (KU) frå vart levert sommaren 2025. Denne dekkar ei lang rekke tema som naturmiljø, fiskeri, samferdsel, osb., og følgjer ein metodikk med både verdivurdering og konsekvens som det marine vernet kan medføre.

**Konsekvensar av marint vern (frå KU basert på utgreiingsområdet, som er heile fjorden):**

Samla positivt for Sognefjorden samanlikna med dagens tilstand. Positive konsekvensar for naturmiljø, kulturminne, friluftsliv, landskap, verdsarv, fiskeri (mellom anna med forbod mot botntråling), reiseliv og forskning. Middels konsekvensar for akvakultur, marin samferdsel og cruise (strengare reglar for kloakkutslepp, som i verdsarvfjordane), og tettstader/industri (grenser kan trekkjast vekk). Store konsekvensar: Forbod mot dumping av masse (tunnelmasse, snø, ras/skred) i sjøen innanfor vernegrensene, men drift og vedlikehald av veg vert tillate. Eksisterande anlegg kan halde fram som vanleg. KU tilrår å trekke grensa vekk frå viktige anlegg og infrastruktur som til dømes hamner for å redusere konsekvensane. Konsekvensen for fiskerinæringa spesifikt blir vurdert som positiv, mellom anna fordi fiskeriaktivitet etter havressurslova skal kunne fortsetje (unnateke botntråling og taretråling som ikkje foregår i dag).

Innspel og merknader frå deltakarane i møtet:

Fiskeridirektoratet vektla behovet for gode kartdata og presis arealavgrensing. Skal vurdere vidare arbeid med å oppdatere kystnære fiskeridata i Sognefjorden på sikt. Vil også sende over meir kunnskap om utslepp av lusemiddel frå brønnbåt, jf. formuleringar i akvakulturdriftsforskrifta § 15 bokstav c.

Sør-Norges Fiskarlag tok initiativ til møtet og understreka viktigheita av dialog med næringa. Peika på behovet for å sikre at fiskeriverksemd ikkje vert unødig hindra av verneforslaget. Etterlyste konkret informasjon om korleis vernet vil påverke brislingfisket og andre lokale fiskeriaktivitetar. Lokale fiskarar delte erfaringar frå brislingfisket i fjorden. Viste til at fiskeria er viktige for lokalsamfunna og må takast omsyn til i verneprosessen.

Statsforvaltaren støttar slutninga i konsekvensutgreiinga som vurderer vernet som positivt for fiskerinæringa. Nemnte tema som låssettingsplass i Finna fjorden og mogeleg fiskeforbod over korallskogen ved Solvika. Brislingfisket vil ikkje bli påverka av den marine verneforskrifta. Erfaringa frå Stad marine verneområde syner at fiskarinteressene var veldig engasjert for større og sterkare marint vern. Understreka at målet er å sikre representativ marin natur for framtida utan å stenge for berekraftig bruk. Peika på at verneforslaget primært gjeld sjøbotn og statleg grunn, og at det er lagt vekt på å unngå konflikt med næringsinteresser. Lovde god medverknad i høyringsfasen og oppmoda til konkrete innspel frå næringa.

Presentasjonen og referatet vert lagt ut på heimesidene våre her: [Informasjonsfase og møte i den marine verneprosessen | Statsforvaltaren i Vestland](#)

Med helsing

Eline Orheim
seksjonssjef, naturmangfold

Maria Knagenhjelm
seniorrådgjevar



Dokumentet er elektronisk godkjent

Mottakerliste:

Sør-Norges Fiskarlag	Slottsgaten 3	5003	BERGEN
Fiskeridirektoratet	Postboks 185 Sentrum	5804	BERGEN
Andreas Færøy Gåsvær	Gåsvær 1	6924	Hardbakke
Eyvind Olav Larsen via e-post			